

**Uunga siunnersuut: Nalunaarasuartaatitigut atassuteqarneq nalunaarasuartaatitigullu
kiffartuussinerit pillugit Inatsisartut inatsisaat nr. xx, xx. xxx 2017-imeersoq**
(*Saqq.: Kommunit, Nunaqarfinnut, Isorliunerusunut, Attaveqaqatigiinnermut
Ineqarnermullu Naalakkersuisoq*)

pillugu

Sanaartornermut ataatsimiititaliap

ISUMALIUTISSIISUTAA

Siunnersuutip aappassaaneerpeqarneranut tunniunneqartog

Suliarineqarnerani Sanaartornermut ataatsimiititaliaq ukuninnga inuttaqarpoq:

Inatsisartunut ilaasortaq Bendt B. Kristiansen, Inuit Ataqatigiit, siulittaasoq

Inatsisartunut ilaasortaq Jens-Erik Kirkegaard, Siumut, siulittaasup tullia

Inatsisartunut ilaasortaq Pitsi Høegh, Siumut

Inatsisartunut ilaasortaq Jess Svane, Siumut

Inatsisartunut ilaasortaq Villy Olsvig, Inuit Ataqatigiit

UKA 2017-ip nalaani ull. 2.oktober siullermeerereernermi siunnersuut ataatsimiititaliamit misissorneqarpoq.

1. Siunnersuutip imaa siunertaalu

Siunnersuutip nalunaarasuartaatitigut attaveqaqatigiinneq aamma nalunaarasuartaatinik sullissineq pillugu Inatsisartut peqqussutaat atuuttoq taarsissavaa. Imaasa pingaarnersai Inatsisartut peqqussutaannit ingerlateqqitaapput.

Nalunaarasuartaateqarnermi oqartussaasut politikkikkut piareersaasartut aammalu oqartussaasut nakkutilliisuusut avissaartinneqarnissaat allannguutissat annersarissavaat. Niuerfimmu maleruagassiussinerup nalunaarasuartaatitigut attaveqaqatigiittarneq aamma nalunaarasuartaatinik sullissineq pillugu Inatsisartut peqqussutaata atuuttup unammilleqatigiinnermut inatsimmut nuunneqarneratigut pissaaq.

Inatsit taanna Unammilleqatigiinnermut Inatsimmut allannguutissamut, ataatsimiinnermi matumani Naalackersuisunit aamma saqqummiunneqarnikuusumut imm. 29-mi suliarineqartumut attuumavoq.

2. Siunnersuutip Inatsisartuni siullermeerneqarnera

Siunnersuut ataatsimut isigalugu tigulluarneqarpoq, Sanaartornermullu ataatsimiititaliamut innersuunneqarneratigut saqqummiunneqartut annertunerusumik isummersorfigineqarnissaanik piukkunnaateqarnerannillu Inatsisartunit isumannaarinertut isigineqartariaqarluni.

3. Tusarniaanermi akissutit

Tusarniaanermi akissutit inatsisissatut siunnersuummut tapiliunneqarput, tamannalu Inatsisartut Siulittaasoqarfiannit ilusiliinissamut piumasaqaatinut naapertuuppoq.

Ataatsimiititaliap maluginiarpa, siunnersuut pillugu piffissami 2017-imi maajip qulinganiit juunip 15-ianut ukua tusarniaaffigineqarsimasut: Namminersorlutik Oqartussani Naalackersuisoqarfiit tamarmik, Kalaallit Nunaanni Politimesteri, Digitaliseeriinnermut Aqutsisoqarfik, Kalaallit Nunaanni Sulisitsisut, Kalaallit Nunaanni Eqqartuussiviit, TELE-POST A/S, Greenland Television ApS, Inu:IT A/S, Comby A/S aama Nuuk TV.

Ataatsimiititaliap maluginiarpaattaq, piffissami tassani siunnersuut tusarniaasarnermik portalimi tamanut saqqummiunneqarsimasoq.

Ataatsimiititaliap paasivaa, tusarniaanermi akissutigineqartunit innersuussinerit ilai maanna atuukkunnaarsimasut. Nalunaarasuaateqarnek pillugu peqqussutip atuuttup inatsisissatullu missingiutip assigiinngissutaasa annertunerusumik isiginiarneqarnissaannut missingiummi nassuiaatit nalinginnaasut iluarsaalluarneqarsimanerat tassunga atatillugu nassuiaatigineqarpoq.

Skemami tusarniaanermi akissutit tiguneqarsimasut immikkoortunut ataasiakkaanut oqaasertalerlugit naalisarlugit issuaaffigineqarsimapput. Allanneqarnerani ilusiliineq pillugu oqaaseqaatit ilanngunneqanngillat. Taamaaliorneq ataatsimiititaliap iluarinartippaa, tusarniaanerlu pillugu annertunerusumik oqaaseqaatissaqarani.

4. Inatsisissaq pillugu nassuiaaneq

Ataatsimiititaliap siunnersuummik suliaqarnerminut atugassatut Attaveqaqatigiinnermut il.il. Naalakkersuisoq inatsisissatut siunnersuut pillugu nassuiaateqassasoq qinnuigaa.

Taamaalilluni ull. 16. Oktober inatsisissaq pillugu nassuiaaneq ingerlanneqarpoq, tassanilu ataatsimiititaliaq apeqquteqarnissaminut periarfissaqarpoq, kiisalu ataatsimut isigalugu attaveqaqatigiinnermi inatsiseqarneq pillugu oqaaseqaateqarnissamut periarfissaqarsimalluni.

Inatsisissaq pillugu nassuiaateqarnissamut partiit ataatsimiititaliami ilaasortaatitaqanngitsut attaviitsorlu aamma aggersarneqarsimapput.

5. Siunnersuutip ataatsimiititaliamit suliarineqarnera

Ataatsimiititaliap siunnersuut misissorpaa, Naalakkersuisumillu ataatsimeeqateqarnermini unammilleqatigiinneq pillugu inatsiseqarnermut attuumassutillit qulaarneqarput.

Taamaalilluni ataatsimiititaliap paasinninnera malillugu, nalunaarasuartaateqarneq pillugu siunnersuutaasunut marlunnut anguniakkat amerlanerit maanna anguneqareersimapput.

§ 2, imm. 4-mi immikkut ittumik akuersissuteqarsinnaaneq ilanngunneqarsimasoq ataatsimiititaliap maluginiarpaa. Pissutaatinneqarpoq taamatut immikkut ittumik akuersissuteqarneq siunissami pineqartussaangeratarsinnaasunut tunngassuteqartoq.

Taamaalilluni soorlu Qaqortumi, Nuummi Qeqertarsuullu Tunuani ilisimaneqareersutut akuerineqareersimasunut aaqqissuussinernullu akuersissuteqarfioersimasunut akuersissuteqartoqarsimanera takuneqarsinnaanngilaq. Taamaalilluni ataatsimiititaliaq isumaqarpoq, siunnersuut maannakkutut isikkoqarluni akuerineqassagaluarpat, suliaqartut arlallit ikaarsaariarneq pissutigalugu inatsisitigut nalorninartorsiortinneqalissasut, tamannalu arlaannaataluunniit naammaginatissinnaanngilaa.

5.1 Naalakkersuisut allannguutissatut siunnersuusiornissaat Sanaartornermut ataatsimiititaliap kissaatigaa

Taamaalilluni ataatsimiititaliap isumaqatigiittup qulaani isummersuutit tunngavigalugit, siunnersuutip aappassaaneernejarnissaanut allannguutissatut siunnersuummik naalakkersuisut saqqummiussinissaannut kaammattussavai, tassanilu peruserineqartartut atuutereersut aamma aalajangeriikkat assersuutigalugu § 1, imm. 2-mi nutaatut nr. 3-tut ilanngunneqassasut.

5.2 Inatsimmi tunngavissiat pillugit ataatsimut isigalugu isummersuutit

Inatsisissatut siunnersuutip misissornerani ataatsimiititaliap maluginiarpaattaaq, siusinnerusukkut sinaakkutissanut il.il. aalajangeriikkanut inatsimmi tunngavissianik

aalajangersakkamik § 36-imi amigaateqartoqarpassittoqartoq.

Ataatsimiititaliaq naliliivoq, nalunaarutinit ukununnga inatsisitigut tunngavissat inatsisissatut siunnersuummut uunga oqaasertaliussassatut siunnersuutigineqartut tunngavigalugit atorunnaarsinneqarpassimasut:

- TELE Greenland A/S-imut akuersissut pillugu Namminersornerullutik Oqartussat nalunaarutaat nr. 18, 22. november 1999-imeersoq
- Dansk-amerikamiut illersornissamut sakkutooqarfiini, isumaqatigiissut 27. april 1951-imeersoq naapertorlugu pilersinneqartuni, nalunaarasuartaatitigut attaveqarneq sullissinerillu pillugit Inatsisartut peqqussutaata atortuulersinneqarneranik Namminersornerullutik Oqartussat nalunaarutaat nr. 31, 10. august 2001-imeersoq
- Nalunaarasuartaatitigut aqputinit tamanut ammasunut terminalini atortunik atassusiisarneq pillugu Namminersornerullutik Oqartussat nalunaarutaat nr. 27, 10. oktober 2002-meersoq.

Akerlinganilli nalunaarutit Naalakkersuisunit attatiinnarneqarusuppata, ataatsimiititaliap paasinninnera malillugu tamanna pillugu allannguutissatut siunnersuummik iluarsisutaasumik pisariaqartitsisoqassagunarpoq.

Nalunaarutit attatiinnarnissaat kissaatigineqanngippat imaluunniit inatsimmi tunngavissiaq naammattuusutut Naalakkersuisunit nalilerneqassagalarpat, inatsimmi tunngavissiaq pillugu ataatsimiititaliap isummersuutaanut siunnersuutip aappassaaneerneranut Naalakkersuisut akissuteqaatiminni isummernissaat kissaatigineqarpoq.

6. Siunnersuutip aningaasatigut kingunissai

Siunnersuutip piviusunngornerani aningaasatigut kingunissai siunnersuutip nalinginnaasumik nassuiaataani allaaserineqarsimapput. Tassani allaqqavoq, siunnersuut aningaasatigut allaffissornikkullu malunnaatilimmik taaneqarsinnaasunik kinguneqarnissaa naatsorsuutigineqanngitsoq.

Nalunaarasuartaateqarnermi inatsisissatut siunnersuummi uani nalunaarasuartaateqarnermut peqqussummut tunngatillugu Nalunaarasuartaateqarnermi Aqutsisut oqartussatut suliaasa aningaasalersornissaat allanngortinneqanngilaq.

Taamaalilluni Nalunaarasuartaateqarnermi Aqutsisut suliani ataasiakkaani suliarinninnerat aalajangiisarnerallu aqutsisullu nakkutilliisussaataanerat inatsimmik uuminnga malinninnissaq allaffissornermilu malitassat malinnissaannut suliaqarnerat nalunaarasuartaaserinermik suliaqartunit suli akilerneqartassaaq. Naalakkersuisoqarfinni suliassat nunatta karsianit aningaasalersorneqassapput.

Nalunaarasuartaateqarnermi Aqutsisut, Nalunaarasuartaateqarnermi Maalaaruteqartarfiup aamma pilersuisussaatitaanermi amigartoorutaasinnaasut aningaasalersornissaannut ungasissumit attaveqaqatigiinnermik atuinnermut Naalakkersuisut nalunaarasuartaaserinnermik suliaqartunut immikkut akitsuusiisinnanannerannik inatsisip uuma tunngaviliinera ataatsimiititaliap maluginiarlugulu pingaaruteqartutut isumaqarfigaa, tamannami siunissami nalunaarasuartaateqarnermik niuernermi oqimaaqatigiissaakkamik aqputaasinnaasutut oqaatigineqarsinnaammat.

Nalunaarasuartaateqarneq pillugu inatsisip akuerereerneratigut Nalunaarasuartaateqarnermi Maalaaruteqartarfiup pilersinnissaa naatsorsuutigineqarsinnaavoq, taamaattumillu Nalunaarasuartaateqarnermi Maalaaruteqartarfimmut aningaasartuutit matussusernissaannut akitsuutip annertusineqarsinnaanera ilimagineqarsinnaavoq.

Taamaammat siunnersuutip nalinginnaasumik nassuiaatitaani allassimavoq siunnersuutip akuerineqarnera aningaasatigut kinguneqassanngitsoq.

Saqqummiunneqartut tunngavigalugit allatut naliliinissamut ataatsimiititaliaq tunngavissaqanngilaq.

Taamaalilluni ataatsimiititaliap tatigaa apeqquut Naalakkersuisunit sukumiisumik misissorneqarsimasoq, kiisalu aningaasatigut sunniutaasussat allat pilersinnaanngitsut. Naatsorsuutigisalli akerlianik siunnersuut pisortat aningaasiviinut aningaasartuutunik amerlanerusunik nassataqassagaluarpat, aningaasartuutit taakku aningaasaliissutaareersunit matussuserneqartariaqassapput, taamaattoqassappallu suliniutit allat annikilliliiffigineqarnerinik kinguneqartariaqassaaq.

7. Ataatsimiititaliap inassutai

Ataatsimiititaliap kissaatigisatut taasai naapertorlugit Naalakkersuisut aappassaaneerinissamut allannguutissatut siunnersuummik saqqummiussinissaat tunngavigalugu, **ataatsimiititaliap isumaqatigiittup** inatsisissatut siunnersuut **akuerineqassasoq** inassutigaa

Aappassaarinerup kingorna siunnersuut ataatsimiititaliamut innersuunneqaqqissasoq ataatsimiititaliap kissaatigaa.

Taamatut oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Bendt B. Kristiansen,
Siulittaasoq

Jens-Erik Kirkegaard,
Siulittaasup tullia

Pitsi Høegh

Jess Svane

Villy Olsvig